

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀԱՐԿԱՅԻՆ ԵՎ ՄԱՔՍԱՅԻՆ ՄԱՐՄԻՆՆԵՐԻ ԲՈՂՈՔԱՐԿՄԱՆ
ՀԱՆՁՆԱԺՈՂՈՎ

ՈՐՈՇՈՒՄ N 41/25

ք.Երևան

09 սեպտեմբերի 2022թ.

Հայաստանի Հանրապետության պետական եկամուտների կոմիտեի հարկային և մաքսային մարմինների բողոքարկման հանձնաժողովը (այսուհետ նաև՝ Հանձնաժողով), քննության առնելով հարկային պատասխանատվությունից ազատելու վերաբերյալ Ֆ/Ա Հոկտեմբերիկ Մինասյանի (ՀՎՀՀ՝ 77949089) դիմում-բողոքը՝

ՊԱՐԶԵՑ

Ֆ/Ա Հոկտեմբերիկ Մինասյանը (այսուհետ նաև՝ բողոքաբեր) հայտնում է, որ 15.08.2019թ.-ին կադաստրի կոմիտեի կողմից կնքված պայմանագիրը Հոկտեմբերիկ Մինասյանի և Արմեն Գևորգյանի միջև չի գործել, եկամուտ չի ստացել, այդ պատճառով հարկային մարմինն հաշվետվություն չի ներկայացրել:

Ներկայացված դիմում-բողոքով Ֆ/Ա Հոկտեմբերիկ Մինասյանը խնդրում է հաշվի առնել վերոնշյալ փաստը, որը հիմնավորվում է կցվող փաստաթղթերով և ազատել հարկային պատասխանատվությունից:

Տվյալ դեպքում ՀՀ հարկային օրենսգրքի 19-րդ հոդվածի 1-ին մասի համաձայն՝ հարկից ազատումը, ինչպես նաև ՀՀ հարկային օրենսգրքի դրույթները խախտելու համար հաշվարկված՝ ՀՀ հարկային օրենսգրքով սահմանված տույժերից և տուգանքներից ազատումը համարվում են հարկային արտոնության տեսակներ, իսկ նույն հոդվածի 3-րդ մասի համաձայն՝ հարկային արտոնությունները սահմանվում են բացառապես ՀՀ հարկային օրենսգրքով կամ ՀՀ օրենքներով:

Այսինքն՝ ՀՀ օրենսդրությամբ սահմանված կարգով վճարման ենթակա տույժերից և տուգանքներից ազատելու իրավասությամբ ՀՀ ՊԵԿ հարկային և մաքսային մարմինների բողոքարկման հանձնաժողովը օժտված չէ:

Իր հերթին, ՀՀ հարկային օրենսգրքի 442-րդ հոդվածի 2-րդ մասի 7-րդ կետի համաձայն՝ հարկային մարմնի բողոքարկման հանձնաժողովն ընդունում է հարկ վճարողի դիմում-բողոքի քննարկման վարույթը կարճելու մասին համապատասխան գրավոր որոշում, եթե դիմում-բողոքում նշված պահանջը դուրս է հարկային մարմնի բողոքարկման հանձնաժողովի իրավասություններից:

Քննարկվող դեպքում, հաշվի առնելով այն հանգամանքը, որ դիմում-բողոքում նշված պահանջը դուրս է հարկային մարմնի բողոքարկման հանձնաժողովի իրավասություններից, ուստի Հանձնաժողովը գտնում է, որ դիմում-բողոքի քննարկման վարույթը ենթակա է կարճման:

Ելնելով վերը նշված իրավանորմերի դրույթներից և ղեկավարվելով Հայաստանի Հանրապետության հարկային օրենսգրքի 20-րդ բաժնով, «Մաքսային ծառայության մասին» Հայաստանի Հանրապետության օրենքի 37-րդ հոդվածով, Հայաստանի Հանրապետության պետական եկամուտների կոմիտեի հարկային և մաքսային մարմինների բողոքարկման հանձնաժողովը


ՈՐՈՇՈՒՄ Է՝

Հարկային պատասխանատվությունից ազատելու վերաբերյալ Ֆ/Ա Հոկտեմբերիկ Մինասյանի դիմում-բողոքի քննարկման վարույթը կարճել:

Սույն որոշումն ուժի մեջ է մտնում իրազեկելուն հաջորդող օրվանից:

Սույն որոշմանը չհամաձայնվելու դեպքում այն ուժի մեջ մտնելու օրվանից երկու ամսվա ընթացքում կարող է բողոքարկվել դատարան:

9/12/2022

X 

ԱՐՏՅՈՒ ՍՄԲԱՏՅԱՆ

ՀԱՆՁՆԱԺՈՂՈՎԻ ՆԱԽԱԳԱՀ՝

Signed by: SMBATYAN ARTYOM 3210860416

ԱՐՏՅՈՒ ՍՄԲԱՏՅԱՆ